

愚

齋

存

稿

愚齋存彙卷第八十五目錄

電報六十二

寄武昌瑞制軍長沙余中丞

寄宜昌端大臣

寄武昌瑞制軍

廣州張制軍來電

巴東端大臣來電

巴東端大臣寄內閣請代奏電

貴陽沈中丞瑜慶來電

武昌瑞制軍來電

寄廣州張制台

又

寄武昌瑞制軍

廣州張制軍來電

寄廣州張制軍

貴陽沈中丞瑜慶來電

又

成都趙制軍來電

武昌瑞制軍來電

武昌岑宮保來電

廣州張堅伯制軍來電

夔州端大臣來電

武昌瑞制軍來電

又

又

寄武昌瑞制軍

武昌瑞制軍來電

夔州端大臣來電

又

寄武昌岑宮保

又

寄武昌瑞制軍

寄武昌岑宮保

寄武昌岑宮保瑞制軍 夔州端大臣 成都趙制軍

廣州張制軍 長沙余中丞

雲南李仲仙制軍來電

夔州端大臣來電

夔州端大臣寄內閣請代奏電

迪化袁中丞大化來電

又

寄夔州端大臣

武昌岑宮保寄內閣請代奏電

內閣寄湖北岑宮保

武昌瑞制軍來電

寄雲南李制軍經羲

寄武昌岑宮保

雲南李制軍來電

成都趙制軍爾豐寄內閣請代奏電

武昌瑞制軍來電

夔州端大臣來電

又

廣州張制軍來電

寄廣州張制軍

愚齋存彙卷第八十五

電報六十二

寄武昌瑞制軍長沙余中丞

八月初五日

湘路七月十七日奉 旨准如所請卽由該部將其股

票盡數驗明換給 國家股票等因在湘京官原奏雖

未揭明而會議確未提開竟是一概准予最優之利益

今承囑照五月二十一日 明諭給還一百五十萬兩

自可照辦一俟股票刊齊卽派員賁送赴湘交黃藩司

薛道會同總紳辦理惟粵事現正與堅帥會商遵前

旨願附股者同享優利不願者領現銀六成其餘四成



給印票分兩年給領並發常利湘數雖少似未便紛歧使人藉口若專論湘誠不在乎現銀六十萬乞酌示

寄宜昌端大臣

八月初六日

節抵郎坪賢勞備至甚念頃漢廠電開萍輪由伏見管帶大車試驗據稱宜渝淺灘共三十五湍流有每鐘十三米輪船最少八百匹馬力方能過灘今萍輪試駛只有八米馬力僅五百匹且機器已老萬難上駛等語公約何日過夔到夔後何日可到渝頃慶邸面詢弟云約十天可抵萬閭甚盼公早到也西林初五過南京所請收回 成命適次帥電奏又到重申前請 旨乃促之

使行

寄武昌瑞制軍

八月初六日

鄂商股除存而未動者可發還外是否只須現款六萬  
餘元究竟有無應還現款若干務求速示兩部正以籌  
現款爲難事至振耀捐作爲公股自是一定辦法彩票  
如無人領似亦可作公股如蒙指定地方工振之用更  
使民受實惠兩部無不樂從其須公股若干私股若干  
併祈電示以便彙算

廣州張制軍來電

八月初六日

粵路收股需款七月二十三由粵撥交龍參議銀

三十萬兩本日續撥二十萬兩所有撥過款項擬卽作爲粵省歸還郵部借給之款謹聞

巴東端大臣來電

八月初六日

西林奏未得請初一行初五到鄂到川約須半月方七奉 電旨催行不敢少延昨晚行抵董家塢決定由夔施販鹽僻徑逕赴夔門初九可到計到川可省及半之程業經電奏此路艱苦異常冒險前往祇求迅達其他非所敢計西林電稱不妄戮一人不少百姓一錢是匪事路事均歸一手經理方則屢奉統兵之 諭又有議路之責事權不一

必致貽誤大局西林到川仍以解脫爲宜公當有  
以助我尊處要電請飭夔局近投

巴東端大臣寄內閣請代奏電

八月初六日

本日行抵董家塢地方欽奉初四日電旨該大  
臣仍卽督率鄂軍前進毋稍延緩等因欽此端方  
前以水程緩急難恃借用海軍部之雷艇萍礦局  
之萍利輪船此時方到武昌未能應急欲求迅速  
赴川遵陸前進較有把握節經奏報在案自迭奉  
諭旨奔命赴援併日兼程不敢自惜山路崎嶇  
艱辛萬狀軍隊隨行尤形繁重向例由宜至川非

半月不達端方設法輕齎先行由董家塢至夔向  
係鹽販經由僻路雖極艱阻然取徑較捷計初九  
日即可抵夔州府爲期不逾十日較諸按站過征  
所省幾半所幸此次行程之速實爲始料所不及  
夔爲全川重鎮與成都重慶消息靈通一面扼要  
指揮一面趲程前進此時省圍雖解成屬十六州  
縣匪徒尙熾重在防勦兼施現鄂軍據巴東縣電  
稟稱已過巴峽黔省援軍據川東道電日內到渝  
端方抵夔益可酌量成屬匪狀統籌全局迅赴機  
宜一切調度權衡自當隨時詳報上慰宸厪乞

代奏

貴陽沈中丞瑜慶來電

八月初六日

據董統帶福開初五由渝來電軍隊初三到綦江  
卽擬由江津永川赴省而沿途飯店有同志會傳  
單不准買賣食宿曉喻大費唇舌恐生枝節該統  
抽身到渝請朱道派員照料卽日又回綦督隊前  
進矣此行輕齎疾趨取其迅速而糧食均現購買  
故略有周折然至遲十五內必到成都鄂軍尚未  
有到渝消息也俟該統帶到成都電稟來再行電  
奏祈公先爲政府諸老言之

武昌瑞制軍來電

八月初六日

鄂路商股有二一官招商股向由官錢局經理將來願入股者卽換給國家股票不願者發還現銀一商辦公司已收股款九十餘萬向由公司自行存放如願入股卽應繳銀領票振耀捐彩票股均祇須給票換票並無應發現銀惟商辦公司因勘路付息勸股等項共用去六萬餘元擬由國家給還藉示羈縻大部雖籌款爲難當不靳此區區也徵於路事竭盡心力不惜爲輿論所詆謫皆爲顧全大局起見乃每有所商公似未能釋然豈

尙誠有未至耶至彩票股當時均已給票發息久  
爲私家之產與振興捐之撥用公款票應歸公者  
截然不同何能作爲地方公股按之情理事實均  
無此辦法除將振興捐公股若干官招商股應發  
現銀若干飭令高藩司核算另行電達外至私股  
若干須俟商民願否附股方能核計再鄂省收路  
紳民均受商量絕無波折爲粵湘川所不及如再  
猶豫則奏結遲延非激之咎也合先陳明

寄廣州張制台

八月初六日

招商局員董魚電稱雲帥屢改行期初四夜由局派江



寬專送赴漢龍軍所帶軍火照定章不應裝萬不得已  
勉遵鈞諭船本十八萬兩求電粵督立案港粵客貨六  
七千件貨本未知細數在船本之外萬一失事必須照  
數給賠等語船本已鉅客貨如因軍火亦不保險更難  
悉數是以歷來軍火均用兵船若帶空槍則無礙保險  
祈速派員與粵局商定爲妥

又 八月初六日

歌電已飭招商局飛電廣利輪船照辦仍將廣利船本  
報明立案因裝軍火不保險奏定章程如有失事須賠  
還船本故向來子藥多用兵船裝運今通融附裝商船

務請飭將子彈封艙不准擅開謹防失事切囑統將及船主爲要

寄武昌瑞制軍

八月初七日

彩票只能作私股同一國票在部毫無出入擬請作公股者爲鄂工振計耳實因不知細情未免煩瑣現銀六萬餘元尤屬小事卽當歸墊請速具奏昨面商慶邸亟待鄂奏再了第二省並已電商堅帥再了第三省只留川省另辦已定方針總之此次路事若非賴公力維持豈特鄂事不能如此安靖湘事亦何能先行定議同朝欽佩宣更感服如電中有瑣碎處皆因深夜病中親筆

不及三思務乞原鑒韜公患痢甚劇已五日現稍愈尚須續假知念附聞

廣州張制軍來電

八月初七日

昨據粵路公司董事麥巽等聯名稟請代奏准將粵路仍歸商辦經已詳晰批駁免生枝節惟聞龍參議頗主張商辦之議屢向人言是否由尊處密授機宜故令主張此議以爲操縱股東地步乞速示復

寄廣州張制軍

八月初七日

麥巽等請粵路仍歸商辦詳晰批駁甚是龍參議條陳

乃令開收三期銀斷無人交等語鄙見政策固不能反汗權術亦未便施行故置之未復頃承示及卽當駁復以免誤會而示畫一

貴陽沈中丞瑜慶來電

八月初七日

舍姪成栻由鈞部給予官費今秋畢業回國此項官費乞推愛批給五小兒成棟頂補伊在蘇格蘭學堂學製船已五年如蒙培植兩三年內亦可畢業千萬玉成恃愛瀆陳乞惠復

又八月初七日

黔軍初三到綦江初五董管帶前隊到渝重慶朱

道飭令改道永川頃又接趙季帥電飭暫駐敘府  
灌州一帶大約以省防已得手之故如此指揮軍  
士甚疲且何不令鄂軍滇軍去耶敝處奉 旨係  
赴成都其赴成都之後一切聽季帥調度並電雲  
帥午帥裁決此事公發起者望大力暗中維持不  
足爲外人道耳

成都趙制軍來電

八月初七日

此次劣紳藉路倡亂已於擒獲首要後將亂事與  
路事絕不相涉之理一再劃分曉示並申明亂事  
一經平定卽行籌商路事決不使稍有損失是以

紳民之明白事理者多已曉然其喻查川人爭路  
本以修改合同仍歸商辦爲目的還款已屬次著  
若於還款之中又將總分公司用過經費及莊號  
虧到並土藥鹽股等項概行剔除卽恐難以折服  
大部所謂還款者是否指除去現存一概派還而  
言抑仍有所刪剔電未指明難以懸擬惟雲帥旣  
有此奏自宜由部亟爲籌備一俟會商定議卽當  
飛電請撥以便及早發還將來公布手續擬俟大  
部復到先將電文登報以覘羣情俟抄奏咨川再  
行出示曉諭是否仍乞酌示

武昌瑞制軍來電

八月初七日

敝處於路款事正深焦灼由公致李姚琴江電擬囑其出面商借交通存款濟用一面節縮工人與來電大致相同尙未得復尊意武長宜從速開工將宜昌夫役逐漸分移亦是一法格林森勘路已過潞口高藩司擬請飭其勘至衡州卽行折回先就武岳一段定纔開工當由敝處飭遵辦惟購地開工正在需款應請尊處預爲籌備并盼示復

武昌岑宮保來電

八月初八日

川省勦撫事宜前經電奏並請敕部將收回路股

均照十成現款發還 諭旨以尙得要領詳細條  
目交由大部速議具奏計已議有端倪此次 朝  
旨責煊者重在解圍省圍旣解事漸平定卽請收  
成命未蒙 俞允頃已行抵武昌煊陳論路事  
本爲出位之思第變由茲起一衅相因舍此更從  
何解決股款全還實爲要義若未能照允則事終  
難定自愧愚拙且當病軀仍必極力請退免誤事  
機務從速電復爲禱

廣州張堅伯制軍來電

八月初八日

粵路總以能多附股爲妙惟商民對於 國家信



用太薄如能得省港各新聞紙極力鼓吹於事當  
有裨補頃與龍參議商及龍力任設法聯絡惟費  
無所出可否由尊處酌籌撥給大致以萬兩爲率  
是否可行盼復

夔州端大臣來電

八月初八日

連接壽帥兩電湘人對商股全附謂不發必致生  
風潮許發反無多領現公意何如或更商之楊朱  
兩君更籌善策此中操縱方曾與午貽計及諒午  
貽亦曾與公言之方若在鄂自有布置之法今旣  
入川勢難遙制若再翻案殊於路事全局有妨蜀

事極艱難於湘事未嘗一日不念

武昌瑞制軍來電

八月初八日

麻電所詢飭據高藩司會同高道統算官錢局經  
管鄂路官招商股及振耀捐支存各項一律截至  
本年閏六月底止計開收入項下粵漢商股四十  
七萬二千五百九十七元川漢商股七萬五千三  
百五十三元川漢彩票股五十九萬七千八百六  
十二元五角共收一百一十四萬五千八百一十  
二元五角支用項下粵漢四十一萬二千二百四  
十元零零二分六釐川漢四十三萬三千四百八

十三元三角四分七釐共支八十四萬五千七百  
二十三元七分三釐實存項下粵漢六萬零三百  
五十六元九角七分四釐川漢二十三萬九千七  
百三十二元一角五分三釐共存三十萬零零八  
十九元一角二分七釐除彩票股應請發給保利  
股票外其粵漢川漢真商股五十四萬七千九百  
五十元均應給還現銀以存抵支尙不敷銀二十  
四萬七千八百六十元零八角七分三釐又應發  
還商辦公司用款六萬零三百八十二元二角八  
分兩共需現銀元三十萬零八千二百四十三元

一角五分三釐至官錢局及度支公所因路動支  
振耀捐款共估平銀一百一十二萬三千五百五  
十一兩三錢八分九釐五毫銀元七萬二千四百  
六十七元二角一分四釐又振耀捐墊付三省贖  
路美金尾數並匯豐借款尾數及利息與梁大臣  
匯回金鎊收支兩抵實數已詳東電尙不敷估平  
一萬二千二百七十二兩七錢七分共應發給股  
票一百一十三萬五千八百二十四兩一錢五分  
五釐五毫又銀元七萬二千四百六十七元二角  
一分四釐除川漢保利股股票爲私股外此項卽爲

公股尊電謂兩部正以籌款爲難不得不代爲通籌辦法查此次發還官招商股現銀之中或有願領保利股票者必須預儲三十萬元備用惟奏准後酌定股商領銀領票期限俟全數辦竣方能結算發銀實數鄙意擬先向交通借撥銀二十萬兩存官錢局爲湊發商股之需將來實用若干擬與鄂省紳商妥商將此項百餘萬振糶捐公股票常年六釐利息由官提留三年約可彌補二十萬兩之數如能商允則國家可無須損失一分現銀商民亦不至折扣絲毫現款但無實在把握等情

議復前來似尙平允周妥如以爲可擬卽照此具  
奏至各項款目總數電文或有錯誤原案具在儘  
可隨後覆核更正似不必再因此遲延祈速電復  
又 八月初八日

澂因川事未平粵又思逞鄂湘路不速了深恐夜  
長夢多故前電不免唐突承公曲諒慨允所請感  
佩莫名除將收股應辦各事另電詳達得復卽奏  
外特先陳謝澂與公同病相憐路事交迫賢勞可  
知尊恙何若極念韜庵患痢亦有電告澂職務正  
繁益以路事夙疴復發近亦委頓陶齋來電極言

行役之苦殊代憂煎

又

八月初八日

頃西林抵鄂來商川事謂此次奏派入川雖專辦  
勦撫但覺由路成必先解決路事方能著手在滬  
已奏請將各省商股均給十成現銀川省倒款另  
案提追已有 旨交貴部議奏囑爲轉催速議如  
不能准卽未便入川等語告以倒款給還現銀恐  
難辦到或給無利股票以示體恤彼猶以爲未可  
察其言論意頗堅決惟閱其原奏所論尙不悖  
國有政策 旨旣稱許似宜稍採其說能將路事

先行解決亦未始非釜底抽薪之策請公速籌復  
奏速示

寄武昌瑞制軍

八月初八日

尊恙復發極念弟近得吸藥謂能養肺春頤回鄂當帶  
呈請試吾儕交情正爲公誼彼此直言愈久愈信非他  
人可比也路事昨已復奏湘省備還一百五十萬鄂省  
則云尊處來電應領國票現款各若干數日內卽可奏  
報等語並與閣議擬鄂奏一到卽明發粵事定亦卽明  
發只剩川事便有把握另電請速催必當立復季和電  
奏民與匪漸離此好消息韜公續假十日須稍養息耳



武昌瑞制軍來電

八月初九日

今午與西林論川事其意仍堅持一不主辦首要  
一商股非給還十成現銀不可激再四諄勸百折  
不同又其意以大部議覆股銀辦法能否如所奏  
請以爲進止激仍無他法可更進言惟 朝廷旣  
以勦撫重任屬西林挾此宗旨則平亂不足反以  
長川人之驕肆其影響將及他省激竊爲西林危  
之則不如不入川爲宜聞西林旣視大部覆奏爲  
進止則將所請各節量爲議駁西林勢必力辭趁  
此降 旨照准則於川事西林兩面均可顧到激

頃電商韜公屬爲解決用特電陳乞妥商裁覆盼切

夔州端大臣來電

八月初九日

此次改道建始逕赴夔州山徑危險人跡罕至惟鮑春霆率軍剿匪曾走過一次外此無聞幸今日已抵夔州鄂軍明早必可到齊卽日督令前進自入川境沿途接見紳耆似亦不乏明達商學全體歡迎備至是川民反抗朝廷不過少數惟眉嘉一帶頗有警耗具詳昨夕電奏稿乞公詳覽西林初八到鄂聞前此奏請發股十成已奉旨交部

速議又聞俟部議上後路事就緒方肯成行其電奏全文及部中若何議復務望電示爲盼

又八月初九日 並致澤公

今夕發電奏云端方今日行至巫山縣境之廟宇槽登接川南道電稱省南華陽縣屬之中興場匪勢甚張官軍尚未十分得手省西青神眉州嘉定一帶聚匪甚眾防守喫力又稱朱軍已調齊日內由敘赴嘉徐軍行至瀘州忽聞滇川交界之郭家墳地方有匪出沒暫回原防彈壓又據川東道電稱黔軍已至綦江擬改道永川江津之間較由渝

赴省可省二日程期各等語端方未入蜀境以前  
疊次奏報逆料匪徒竄擾成都各屬自在意中其  
最可憂者匪徒若以少數牽制城內官軍而以多  
數沿江下竄則全川將爲所震動近入川境果聞  
賊勢偏注眉青嘉敘之交嘉爲岷江上游萬一匪  
徒掠舟順流而下沿江州縣防不勝防幸端方前  
次所調敘府朱軍於日內調齊軍隊由敘赴嘉此  
時正得應用刻已電飭迅赴事機扼江設防嚴密  
布置不許匪徒乘虛得掠船隻似此則朱軍之來  
甚得力江防似尚可無虞至江安徐軍現仍回防

已飭川南道確探滇界果有蠢動則徐軍自可緩  
赴省援並電告雲貴總督李經羲一體嚴密防範  
黔軍旣取道永川江津就近前赴省城現已電諭  
該軍嚴明紀律相機進取除與匪徒接仗外不得  
妄行捕戮一人至客車赴援人地生疎艱苦萬狀  
端方夙所深知並電沿途地方官妥爲照料矣端  
方明日卽抵夔州府先將日內布置情形上聞以  
慰宸廑乞代奏等語特聞

寄武昌岑宮保

八月初九日

奉公漾電川事解決非另改國有之路綫不可屬上

奏請 旨仰見上下兼籌扼要之至當川人爭歸商辦  
閏六月初弟卽電商季帥接季帥復電不以爲然深爲  
可惜弟面奏深蒙嘉納特恐言出郵部必又反對乃由  
吳士鑑凌空具疏專言國防宜出漢中交閣議迄不議  
復亦不交部及公廿七電奏謂改路綫非對症之藥弟  
乃不敢復言矣實則秦中險要西京不可不營弟銳志  
將籌西幹以步蕭規則由陝入蜀必在由鄂入川之先  
公與華帥所見者大幸勿以有人議奏在先遂以駢枝  
立異現籌川事尙宜留意此電乞交華帥一閱

又 八月初九日

局報駕乘江寬抵鄂甚慰一切諒與華帥熟商再行前進昨季帥電奏民團與匪漸離此好消息公電示到川歡聲載道並奏請全還十成現款直是名論千古令人五體投地國與民本無畛域弟在路言路但求國家幹路告成有日以符我公經營各幹之原奏豈願損下益上自擔重謗惟因東三省及幣制鉅款輿論反對故此次路約僅就張文襄原議以完鄂湘夔未了之工在川粵兩省並未另議借債近來部省各庫空匱更甚於前不得不就各省請准商民附股之奏會籌附股還款雙方並用 朝廷但欲操鐵路行政之權藉免延宕夾

襍之弊昨已按照尊旨會議復奏並因交 旨內有辦法與 朝廷前次 諭旨亦相符合之語仍不能刪除附股字樣實已將附股比較還款便宜一概刪去已偏到全還十成股本尤以尊沁電奏所稱凡川路已虧之款由 國家攤還川路未動之款仍由股東自主爲要旨又查王趙兩帥來電皆稱川人爭路本以修改合同仍歸商辦爲目的還款已屬次著則此時萬不能就川路借款粵亦相同此爲四月內初料所不及總計須籌現銀三千萬兩一經宣布卽須發款宣於此事已爲眾矢之的卽犧牲身命何裨絲毫閣部屢議亦無妙策除



鈔奏飛咨外謹將議復川路還款數目另電呈核並祈  
我公與華帥面商籌款之法或徑電奏或先電示以便  
與度支部熟商否則應請暫緩宣布若使 朝廷言而  
無信何以爲國故覆奏結語發還股本或換票或還銀  
俟將詳細條目與督會辦大臣議定請 旨核准之後  
再由部咨明各該省督撫合同出示曉諭等語亦因鉅  
款斷非倉卒可籌也此電請交華帥一閱

寄武昌瑞制軍

八月初九日

鄂省共應發股票銀一百十三萬五千餘兩又銀元七  
萬二千四百餘元又預備現款三十萬元均當照辦並

一面飭交通漢行撥銀二十萬兩聽候提取尊意並擬將振糶捐公款利息三年彌補二十萬兩之數此係格外不使國家一分損失足以激勵鄂以外三省之官紳如實爲難亦勿勉強應請尊處迅速入奏股票正在刊印票上均填銀元以符幣制而歸一律以銀合元現有市價諒亦不難

寄武昌岑宮保

八月初十日

路事經開議後初八日奏頃已摘要電咨惟詳細條目必須俟督會辦大臣議定再行請旨核准尤要在度支部籌款有著方能頒布目下情形孰敢再言借款致

干清議公成竹在胸務將籌款良法見示爲盼

寄武昌岑宮保瑞制軍 夔州端大臣 成都趙制軍

廣州張制軍 長沙余中丞

八月初十日

初八部奏摘要如下查護川督王文五月二十日來電實收租股九百五十餘萬兩官民購股二百六十餘萬兩土藥鹽茶商二百餘萬兩且收支之中尙有重複糾葛非合各處帳冊檔卷互證參稽斷難確定等語粵督張鳴岐七月二十日來電公司帳目截至五月底總共收銀一千六百四十七萬餘兩前電祇請照股款一千四百十萬兩實已剔除雜收二百三十七萬餘兩所

有虛糜各項以剔除之款彌補然六成現銀亦須八百四十萬兩其餘四成五百六十萬兩尙可分年攤還等語湘撫楊文鼎來咨除米捐鹽捐之外實收商股一百五十萬兩租股九十餘萬兩湘京官會奏已請准作爲私股願領國路股票湘撫余誠格來電湘路房股租股自應遵十七日諭旨換給股票惟商股一百五十萬未曾揭明如湘商執五月二十一日諭旨有湘路商股照本發還兩語明知路事有利願退股者必不多然不能不儲款以待等語鄂督瑞澂來電應領國票現款各若干數日內卽可奏報四省合計實收銀股約在三

千萬兩左右除川省現存之款七百餘萬兩前已奉

旨願否入股或歸本省興辦實業仍聽其便今當剔除  
在外由川督川紳另換本省實業或枝路股票或發還  
現銀部不過問要以收銷公司股票爲斷其餘四省私  
股計銀二千數百萬兩卽當以督撫報告實收股本之  
總數並當覆按其收股根簿爲據毋庸再查收支各款  
詳數以免煩瑣如有情願附股者仍遵 諭旨按照湘  
股給發 國家鐵路股票一律分紅分利如不願附股  
者仍遵 諭旨悉照粵股一律實發六成現銀其餘四  
成另給 國家印票分年攤還其未還以前仍給發六

釐利息所有該公司實收之股本國票旣已全數認還則其虛糜及倒帳之款已包括在內似此辦法國家收回鐵路發還公司股本旣不再查其收支數目則其股本以外之事亦均不能再有認還之款至發股本或換票或還銀俟將詳細條目與督會辦大臣議定卽照辦理查各該省商辦股票散之於外府州縣粵省股票且多散之於南洋各島輾轉查核挂號分別往返需時擬候會商定奪請旨核准之後卽由臣部咨明各該省督撫會同督辦大臣出示曉諭凡持有商辦股票准赴各省路局清理股票處挂號計核對票根彙齊票數

約需數月方能竣事俟屆時到局支取現銀並換領國  
路股票如此變通酌劑實與歷次准商附股聽其自願  
以及給還股本總不使有絲毫虧損以失信吾民之  
諭旨均屬相符各股東當益曉然於朝廷公溥之用  
心不復以歧視爲藉口再此次本遵旨議覆川路適  
張鳴岐等有電來商因卽將川粵各路所擬辦法一併  
附陳昨經內閣會議應俟督辦鐵路大臣端方行抵川  
境卽由臣部詳電端方妥籌辦法再行請旨核定粵  
路則由臣部卽與張鳴岐會商趕辦所有關係款項之  
事仍當由臣部會同度支部隨時商辦再此摺因輟轉

會商遲延數日合併陳明等因奉 旨依議欽此除咨  
行外特聞

雲南李仲仙制軍來電

八月初十日

美總工程司多萊薪水歲美金萬元合同三年未  
滿限滇紳議築箇舊支路與滇越接軌刻期趕辦  
測款將定正擬興工渠亦以滇費鉅聘無成而去  
心懷歉仄滇能興工卽決意留滇竣事礙難應召  
查該美師品粹學優頗爲滇人親敬是一好工師  
大部物色外才預備夾袋箇路綫短工速滇約解  
後大部召用最宜密陳留意



夔州端大臣寄內閣請代奏電

八月初十日

端方奉命統軍入川事關重要贊助需才非有諳悉川情洞明韜略之員不足收運籌之效查有內閣統計處辦事翰林院編修夏壽田學識深通熟悉川事民政部候補參事劉景沂品學素優長於偵探前因軍情緊急均經電調隨行在籍湖北候補道前翰林院編修施紀雲湖北候補知府前翰林院編修廖正華湖北候補知府李常度籍隸川省鄉望素孚湖南候補副將陳斌生吳本植均於兵事素有歷練以上各員仰懇 天恩准其調川

差遣乞代奏

迪化袁中丞大化來電

八月初十日

致郵傳部

郵政歸部辦理外省無所用其爭競但新疆郵政不敷之款須由本省撥補現值庫款奇絀一錢須當一錢之用不肯聽其浮濫自應有所稽查所以諄請加入藩臬者爲此既不支薪別無好處諒蒙鑒察茲承電示郵政係歸本部統轄需用之款無論由局由新籌撥同一國家行政經費等因化雖至愚未嘗不知此理惟箇人經手款目不能毫無界限卽如貴部裁餘山東驛費留備推廣郵政

之用度支部又通咨各省如有驛站裁減款項一律另款存儲聽候部撥未便郵傳部撥用在部亦未嘗毫無區別總之郵政收歸部辦不敷之款統由部籌地方職任保護凡有應盡義務無不遵章辦理與各省無異庶與電政辦法一律希電示遵行

又 八月初十日

新疆郵政歲由本省貼補巨款當此庫空如洗協餉不到百方節省艱窘萬狀僅一洋人總辦恐多濫支兼司既不支薪別無好處何必苦口電商此

亦仰體吾公核實經費之意並無別項用心如欲  
收歸部辦不敷之項統由部籌方與電政一律貴  
部來電想係郵局擬稿必非尊意只好照官話電  
復現在時局如斯惟公尙能挽回一二仍祈遇事  
斟酌主持爲幸

寄夔州端大臣

八月十一日

公間道抵夔莫名欽佩惟勞苦過甚尤深私念鄂軍到  
齊卽督令前進邸員皆謂公宜有進無退總須到渝一  
切自有解決次山初電川人與公反對實則公之敏達  
必能操縱裕如路與亂分爲兩端匪與民斷難一視公

約何日能抵渝乞示

武昌岑宮保寄內閣請代奏電 八月十一日

竊煊自滬起程初八抵鄂感受風熱觸動咯血舊症驟致委頓其勢萬難前進仰懇 天恩開去差使煊昨晤瑞澂謂端方已抵夔府商民迎候地方平靜又見趙爾豐致各省通電川軍以少勝多迭獲勝利期就廓清等語所有前調粵軍黎多才兩營尙未到鄂應否前往請 旨飭遵乞代奏

內閣寄湖北岑宮保 八月十一日

奉 旨岑春煊電奏抵鄂感受風熱觸動舊症萬

難前進請開差使等語岑春煊著賞假調理暫緩  
赴川欽此

武昌瑞制軍來電

八月十一日

蒸汽二電及西林轉示佳青電均悉西林昨夕因  
病電奏力辭不知能獲允否西林熱心男子惟持  
見既偏且多成執又不能原諒局中人辦事之難  
果不入川亦西林之幸路股十成全還公已議准  
此時自不能改昨陶齋與鄂軍均已過夔川亂惟  
西南路尙棘新津尙未規復知念并陳澂連日感  
寒發喘故昨今未晤西林其得公電後有何議論

尙不知也

寄雲南李制軍經羲

八月十一日

部因兩湖綫路借款美國在內必須聘一美總工師因  
聞滇越枝路緩辦多萊現已離滇與其坐糜虛薪故擬  
先行借用薪水卽歸部支俟將來滇路開辦再可調往  
今來示屬預儲夾袋似未知湖北開工在卽如果尊處  
現在需用只可赴美另聘勢難久候乞明示

寄武昌岑宮保

八月十一日

尊恙觸動勢難前進至深懸念奉 旨賞假調理能否  
暫在武昌養疴川省路事易了只要有錢惟調和民氣

非公不辦公前奏云雖不赴川勝於赴川大有意味

雲南李制軍來電

八月十二日

美工司前已切商公司借用滇紳堅執箇路卽辦  
礙難解約義查悉箇議非虛輿情難拂前所謂預  
約者因公留意外材言之聊備後擇耳謹復乞諒  
成都趙制軍爾豐寄內閣請代奏電

八月十二日

前以新津匪徒佔據縣城道路梗阻文報隔閡聞  
匪徒聚集連及邛雅一帶約二百餘里雖有防軍  
數營已進至黃水河而花橋場一帶節節皆匪道  
路蜿蜒未易施展又值新軍攻溫江初回力戰三



晝夜往返已甚疲乏並聞新津之匪有數萬人頗有布置不得不少息兵力妥籌進復是以尙未奏報致勞 朝廷屢念悚懼萬分初十日當令署陸軍統制官朱慶瀾率陸軍四營暨馬礮步隊分兩路由雙流左側進攻花橋場巡防軍由右路進攻插耳崖頃接該統制官報告初十日嶺匪據牧馬山之曾家店當率各隊奮力攻擊斃匪數十人生擒十餘人敗逃投水者聞亦數十人已將牧馬山佔嶺當夜大風雨卽在山頂露營以後戰攻情形尙未得有報告日前江口有匪數千與水道巡警

巡船接仗巡船損壞數隻區官受傷現在下駛與  
第二區巡船聯合彭山眉州匪徒劫獄官被幽禁  
已調後路防軍往援第各處電報多不靈通徵調  
需時不能卽到實深焦慮黔軍已到永川擬令分  
紮瀘州敘州府鄂軍初九日抵夔州約須廿餘日  
方能到省邊軍聞到雅州被匪截住已接仗兩次  
因匪過多一時竟難通過滇屬鎮雄州有匪竄擾  
川境已飭該地防軍嚴爲防堵本省軍械勉強敷  
用惟子彈不甚充足已電飭局趕造前電鄂省撥  
濟鄂造五子彈壹百萬顆因水大一時不得運到

惟滇中幅員過寬素本多盜兵力太單無事時分  
防已覺不敷現時各處匪徒皆爲同志會所勾結  
公然與官軍抗拒此伏彼起旣散復聚川軍祇有  
此數旣任攻剿又須防堵是以遲遲不克早就救  
平上煩 聖慮彌切恐悚爾豐惟有就現有之兵  
竭盡心力剿撫兼施剴切開導喚醒愚迷使川事  
卽定上紓 宵旰憂勞下裨地方安謐此近日大  
概情形謹請代奏

武昌瑞制軍來電

八月十二日

前准大咨川粵漢鐵路借款英金六百萬鎊應支

配用法飭各路總辦預行分造工程購料員薪地畝勘繪等費表冊於八月十五以前送部以前交資政院議決等因當卽分行各路總辦遵照茲據復稱工程材料勘繪等經費每路約需支配若干應先由總工程司擬定呈總辦覆核彙造現查各路惟粵漢武長一段總工程司格林森早經抵鄂議赴岳州以上覆勘路綫因武長急欲開工電令折回尙未得復預估經費事先經電詢據覆工程難以預算此外川漢所聘德美總工程司均未到鄂更屬無從著手至地之畝頃卽專以武長論中

綫未定收購丈尺之廣狹未定需價多寡無從懸  
擬廣宜則因直綫曲綫兩問題尙未能決正在覆  
勘尤無從預估地價計大咨所捐各款欠員薪或  
可預算照分段之疏密派員之多寡仍非與總工  
程司詳晰商定未便造次列冊計八月望之限無  
諭如何催趨實難辦到等語查核所陳尙係實情  
大抵各路總工程司不能到齊路綫不能一律測  
定各項用費數目決難預計事關交院未便草率  
從事俟各路總工程司均到卽當分飭趕辦如能  
於九月內造送尙可不誤交院之期萬一趕辦不

及表冊到部已值閉會則祇可於明年交院追認  
矣除據詳咨達外特先電聞並請示復

夔州端大臣來電

八月十二日

並致澤公

壽帥電稱湘路股東抱定五月十一日 諭旨要  
求全還公允發六留四湘人不允路未接收等語  
並託方勸公遷就不必惜此數十萬金致生波折  
股票亦宜早發免致夜長夢多似此則湘中情形  
頗爲川所牽動公早洞悉故允其六成還現方謂  
川省如此暴動岑尙請現給十成湘省若留四成  
恐難就範不如逕從壽帥所言了事爲上且湘中

明達願入股而不願收現者甚多澤組二公亦可  
勸導方刻已有電相託名爲全發想實發至多亦  
不過六成正合欲取姑予之法公意如何方過夔  
與紳商接洽後次午卽西上明日可抵雲陽

又 八月十二日 並致澤公

西林到武昌與華帥談仍堅持前見並以部議允  
否爲進止尊處現如何議復務乞速示方昨日由  
夔解舟有重慶教育會長朱之洪劉祖蔭二人爲  
該埠商學界代表來謁言及路事語氣尙近激烈  
力爲季帥逮捕九人辨冤然默察其意似亦頗想

轉圖並堅以從速從寬爲請聞重慶紳商自渝來迎頗屬不少川省真正股東及主持路事之人多數在渝俟晤面後當察奪情形相機應付並當隨時電聞

廣州張制軍來電

八月十二日

並致澤公

承示收股辦法各條大致皆屬平穩惟其中意義不甚明晰及所擬辦法有應行變通之處尙多謹分別條列於後如第一條附股准照大元填票現時國幣尙未頒行所謂大元者是否卽係市面通用之銀元將來給發官息是否仍照大元給發其



補足五元爲一股者除扣除前二期利息外是否  
仍交毫洋抑照大元補水交足均應切實聲明以  
免疑議又第四條不願領國票者准先給還銀六  
成其餘四成另給 國家印票分作兩年歸還此  
項所餘四成之數如有不願續得現銀者似應准  
其一律附股比照第一條填給 國家鐵路股票  
又第五條國票分大小兩種五十元以上給大票  
五十元以下給小票票面所填銀數是否並無定  
額隨時按所收股數照填又第七條收股處宜改  
爲由部省各派一員會同各善堂紳董辦理不必

令公舉一二董事緣各善堂紳董外面辦事似甚  
團結而內容實互相水火如今公舉一二董事轉  
恐意見橫生別起枝節且茲時各善堂紳董方慮  
股東反對 國有身受波累無肯出而任事者卽  
飭令公舉亦斷不遵辦不如渾涵其詞使各紳董  
不致受人攻擊或可暗中收助至股票辦法不宜  
轉折太多現時各善堂所存票根皆畏股東詰責  
不敢交出現已飭令各將經手所收股數造具按  
戶細冊俟造繳後擬再派員按冊先與票根逐細  
核對經此一次清查股分實數確而有徵日後自

無從弊混將來收股處不論領票領銀皆可令股東先期數月預將股票繳存收股處挂號一面發給收單一面由收股處派人親赴各善堂查對票根如果相符卽令將收單換票領銀以省周折惟粵路股東散處外屬及各省各外股者甚多收股限期似宜稍寬至少應以六箇月爲率以上各條皆就來電所宜復加參酌此外尙有亟應預籌者三事一收股處不宜專在粵省一處設立粵路股東本不全在粵省卽在粵省之大股東亦多畏人指摘不敢遽請換票領銀應於上海漢口香港等

處一律添設收股處俾各該處股東可以就近換票領銀卽本省大股東不便在粵換票領銀者亦可設法轉移能於南洋各埠設有交通銀行之處一併附收更爲周妥二未交第二期股銀之股票照公司原章本已喪失股東資格惟前每查帳時每項股銀曾經張文襄許其緩繳此時若竟一概取消難保不有所藉口此項第一期股款卽在一千四百一十萬兩之內似應量予通融如有願領國票者仍准附股否則全行作廢以免缺望三將來接收路事擬請暫時不必遽派專員卽責成詹

黃兩總協理照舊經營或於大部奏定接收路事  
辦法後酌派部員駐紮公司會同商舉各董事清  
理路款一面由大部逐漸將管理路事人員分別  
更換俟人員更換已定商股計亦可收齊彼時再  
全盤接管辦法雖稍紆曲而抽樑換柱商辦公司  
消滅無形可減省無數抵抗之力以上三條應懇  
詳加籌酌核定示復總之粵省民情素稱浮動此  
次路事復受川亂影響應付稍一不慎立可釀變  
日來密謀運動聚眾開會反對 國有者仍復四  
處勾煽暗中設法防範解散實已心力俱瘁收路

辦法發表後能否帖然就範不致別釀風潮此時  
實毫無把握惟有隨時隨事商承大部格外妥慎  
處置並求力予主持無任感叩

寄廣州張制軍

八月十三日

頃據交通總行稟尊處暫借百萬現因滬行需還洋款  
甚急前奉尊電已還五十萬原擬收股之用現已奏准  
畫一辦法須俟四省督會辦議定詳細條目再行請  
旨籌集鉅款方能辦理則此百萬之款應請先由粵交  
通匯滬以應洋債急需請速轉龍參議將已收五十萬  
除已用小數外速歸交通匯滬爲要

愚齋存藁卷第八十五